


Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Lo rossinhols s'esbaudeya > Tradizione manoscritta > CANZONIERE A > Edizione diplomatica

Edizione diplomatica



Bernartz deuentedorn.

LO rossignols ses baudeia. Iosta la flor
el uergan. Et es men pres tals enueia.
Qieu non puosc mudar non chan. Mas
nonsai deque ni decui. Car eu non am
mi ni autrui. Efatz esfortz car sai faire.
Bos uers puous non sui amaire.

Mais a damor qui dompneia. Ab orgoill
et ab engan. Que cel que totz iorns mer-
ceia. Nis uai trop humilian. Capenas uol
amors cellui. Qes francs efis si cu(m) ieu
sui. Caissom tol tot mon afaire. Canc
non fui fals ni trichaire.

Aissi cum lo rams si pleia. Lai oluens lo
uai menan. Fatz ieu uas lieis qe(m) gerreia.
p(er)far totz iorns son coman. Ason ops me
gart emestui. Q(ue) si non em amic amdui.
Dautramor nomes ueiaire. Que ia mais
mos cors sesclaire.

Souens mi repta em plaideia. Em uai
ochaisos leuan. Eqand ill en ren feuneia.
Uas mi uersa tot lo dan. Gen ioga demi




image not found

https://letteraturaeuropea.let.uniroma1.it/?q=sites/default/files/styles/330_px/public/A%20%283%29_17.jpg&itok=B_A5aO1M

eis desdai. Que deus lo sieu tort mi con-
clui. Mas ben es uertatz que laire. Cuia
tuich sion siei fraire.

Hom no la ue que non creia. Sos bels oills
eson semblan. Enon cre quill auer deia.
Fellon cor ni mal talan. Mas laigua que
soau sesdai. Es pieier que cella que brui.
Engan fai qui de bon aire. Sembla enon
o es gaire.

Detot luoc on ill esteia. Mi destuoill em
uau loignan. Ep(er) so que non la ueia. Pas
li mos huoills claus denan. Cel sec amor
que nois nesdai. Ecel lenchaussa que
la fui. Benai encor delestraire. Tro que
uas midonz repaire.

Ia non er si tot mi greia. Qenqer fin e
plaig noil man. Que mal mes caissim
recreia. Ni p(er)da tant lonc afan. Ason ops
mi gart emestui. Esi non em amic am-
dai. Dautramor nomes ueiaire. Que ia
mos cors senesclaire.

Enaissi fos pres cum ieu sui. Mos aluern-
gatz eforam dui. Que plus nois pogues
estaire. Denbel uezer debelcaire.

Tristan si nous es ueiaire. Mais uos am
que non suoill faire.

- letto 401 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1328>